

1812 ԹՎԱԿԱՆԻ ՀԱՅՐԵՆԱԿԱՆ ՊԱՏԵՐԱԶՄԸ
ԵՎ ՀԱՅ ԺՈՂՈՎՈՒՐԴԸ

Մ. Դ. ՆԵՐՍԻՍՅԱՆ

Հայկական ՍՍՌ ԴԱ ակադեմիկոս

1812 թվականի Հայրենական պատերազմը, որի 150-ամյակը լրանում է այս տարի, ուսա ժողովրդի պատմության փառապանծ էջերից և համաշխարհային պատմության նշանավոր անցքերից մեկն է: Համաժողովրդական, ազատագրական այդ պատերազմը, որի ընթացքում ջախջախվեց նապոլեոն Բոնապարտի «մեծ բանակը», հսկայական դեր խաղաց ոչ միայն Ռուսաստանի, այլև ամբողջ Եվրոպայի պատմական ճակատագրում: Ռուս ժողովրդի 1812 թ. վարած հերոսական պայքարը վճռական օղակն էր այն մեծ և հաղթական ազատագրական պատերազմի, որ մղում էին Եվրոպայի ժողովուրդները համաշխարհային տիրապետության ձգտող ֆրանսիական կայսր Նապոլեոնի դեմ:

Ռուս ժողովրդի 1812 թ. Հայրենական պատերազմին մասնակցում էին Ռուսական կայսրության կազմի մեջ մտնող համարյա բոլոր ժողովուրդները: Չնայած ցարիզմի վարած ազգային-գաղութային քաղաքականությանը, հայրենասիրական ոգին, ղավթիչներին վճռական հակահարված տալու ձգտումը համակել էր նաև ուկրաինացիներին, բելոռուսներին, բաշկիրներին, լատիշներին և Ռուսաստանի կազմի մեջ մտնող մյուս ժողովուրդներին:

Հայրենական պատերազմը ջերմ արձագանք գտավ նաև Ռուսաստանի հայ բնակչության մեջ: Երկրի պաշտպանությանը մասնակցելու համար կազմակերպվեց հայկական կամավորական ջոկատ: Ռուսական բանակի շարքերում հակառակորդի դեմ անձնվեր կռվում էին հայ մարտիկներ սպաներ և շարքայիններ: Ռուսաստանի և Անդրկովկասի շատ քաղաքների ու բնակավայրերի հայ բնակիչները մեծ պատրաստակամությամբ զգալի նվիրատվություններ արեցին ռուսական բանակի, աշխարհազորի և տուժած ազգաբնակչության օգտին: Հայաստանի ժողովրդական լայն խավերը, որոնք այդ շրջանում դեռևս զոռվում էին պարսիկ խաների և թուրք փաշաների լծի տակ, միանգամայն բացահայտ ու աներկմիտ արտահայտում էին իրենց համակրանքը ռուս ժողովրդի նկատմամբ, որը ազատագրական պայքար էր մղում նապոլեոն Բոնապարտի դավթողական բանակի դեմ:

1812 թ. հուլիսին, երբ Ռուսաստանի շատ նահանգներում կազմակերպվում էին ժողովրդական աշխարհազորական ջոկատներ, նոր նախիջևան հայկական քաղաքում ևս ձևոնամուխ եղան այդ գործին: Նախիջևանի մագիստրատի արխիվային նյութերը ցույց են տալիս, որ քաղաքագլխի հանձնարարությամբ կամավորական ջոկատի կազմավորմանը անմիջականորեն զբաղվեցին:

վում էր Մ. Բ. Արրամովը (Արրամյանը), իսկ գործի ընդհանուր ղեկավարությունը իր վրա էր վերցրել քաղաքային մագիստրատը: Հետաքրքրական է, որ մագիստրատը դիմել է ոչ միայն քաղաքի ազդարնակչությանը, այլև Նախիջևանի շրջակա հայկական գյուղերի բնակիչներին, առաջարկելով մագիստրատի տրամադրության տակ ուղարկել բոլոր նրանց, ովքեր ցանկանում են ծառայել ժողովրդական աշխատհազորում:

Նախիջևան քաղաքի մագիստրատի 1812 թ. ելից մատյանում գրանցված է մագիստրատի 1812 թ. հուլիսի 29-ի պաշտոնական դրույթունը՝ ուղարկված Չալթր հայկական գյուղը: Այնտեղ ասված է. «Գրեցինք Չալթր գիւղը յտամանին և ծերերուն աշակէս գրելովն նորին քերականցութիւնն պարոն կօոստանաւ չալնիքին, ըստ հետեմանն նորին կայսերական մեծութեան հրամայվիլ է քաղաքիս կոաժտանին բարձրածին Միքիթր Իվանիչ Ասրամովին որ նա ժողովելու է վօլեն թիբի պես զօրք, և կտմեցողացն գրելու է, որ հարկաւոր ժամանակի ժամանակաւոր ծառայելու, և ձեր գեղեն ալ հալես էլօղ, ախօթով մարդիք կամ նր խրկիք որ քան մագիստրաթ յայտնվին:

Դատավոր Մելֆօն Օվալկեմօվ
Դատավոր Պետրոս Եղեայզարօվ
Գրադիր Պելիվանօվ»²:

Այդ գրանցման ծանոթագրության մեջ ավելացված է, որ նման դրույթուններ են ուղարկվել նաև Թոփթի, Մեծ-Սալա, Սուլթան-Սալա և Նեսվիտա գյուղերը: Այսպիսով, հայ աշխարհազորականների ջոկատի կազմակերպմանը մասնակցում էր Դոնի ողջ հայկական դադութը:

Նախիջևանի հայկական աշխարհազորը երկար կյանք չունեցավ: Նա ցրվեց Ալեքսանդր 1-ի ալն հրովարտակի համաձայն, որով առաջարկվում էր վերացնել ռազմաճակատներից հեռու գտնվող քաղաքներում ու նահանգներում կազմակերպված աշխարհազորական ջոկատները:

Ռուսաստանի հայ բնակչության հայրենասիրական ոգու մասին է վկայում հետևյալ չափազանց հետաքրքրական փաստը: 1812 թ. սեպտեմբերի ծանր օրերին, երբ Նապոլեոնի բանակը դրավել էր Մոսկովան, Նախիջևանի հայկական մագիստրատը հրապարակեց մի հրաման, որով վճռականորեն առաջարկվում էր քաղաքի հայ բնակչությանը չնվազել, քեֆեր չսարքել, քանի որ այժմ «ուրախության օրեր չեն»: Նախիջևանի մագիստրատի ելից մատյանում պահպանվել է այդ հրամանի գրանցումը, որ կատարված է 1812 թ. սեպտեմբերի 17-ին: Այնտեղ մենք կարդում ենք. «Գրեցինք պուսլիքացի և սաստիկ թէնպեհ աշակես, իմանաք որ ահա մագիստրաթս մեր սաստիկ թէնպեհ կանէ որ չըլա թե այս մոտիկներս քեմեչե, և կամ տայրե չալվի աճեն տեղ, թե հարսնիքի թե աչկի լուսի, և կամ չի յա ֆեթթինչ տեղ ալ ըլանր քեմեչե տայրե չալվելու չե զերե ուրախութեան օրեր չե, երբ որ աստուած աւա ուրախութեան օրեր ըլանր ան վախտն կրկին անքամ տէլլալ կանչելով իմացում կու տանր:

¹ Պաշտոնական տվյալների համաձայն 1811 թ. նոր Նախիջևան քաղաքի բնակչությունը կազմում էր մոտ 10000 մարդ, իսկ հայկական 5 գյուղերում՝ 2633 մարդ (տե՛ս Центральный Государственный Исторический архив в Ленинграде (ИГИА.Л), ф. 1281, оп. 11, д. 134, л. 178):

² Հայկ. ՍՍՌ ՊԿԱ, ֆ. 139, դ. 14, թ. 48:

³ Նույն տեղում:

ապա աժմ իմանաք որ տասը ուսույլի անրեմէ կառնովի շարել տօլօղէն, և բեմէշեմի տայրաճիին ալ պատիժը կու տրվի:

Դատաւոր Մելֆօն Օվայկեմօվ
Դատաւոր Պետրոս Եղեայգարօվ
Գրագիր Պելիվանօվ»⁴:

Երկու օր անց, 1812 թ. սեպտեմբերի 19-ին մագիստրաար նոր որոշում է րնդունում, որտեղ ասված է, որ նկատի ունենալով «դառնաշունչ ժամանակները», արգելվում է ոչ միայն ուրախանալ, այլև շրեղ հագնվել ու ոսկե զարդեր կրել: Այդ որոշումը ուղղված էր զլխավորապես «լիտի կանանց» դեմ, որոնք հաշվի չէին առնում ծանր ժամանակների հանգամանքները: Մագիստրատի 1812 թ. սեպտեմբերի 19-ի գրության մեջ արձանագրված է. «Գրեցինք հոգեոր պատարանն այսպէս՝ անցնալ աւուրն քաղաքիս հասարակութեանն թէնպէ՛հ արինք, պուսլիքացի անելով, որ այսմ դառնաշունչ ժամանակիս, այս մօտիկ օրերս բեմէշե, տայրէ ամենեին մեկտեղ մի չի շարվի տէյի զերէ ուրախութեան օրեր չէ և տեսած է մագիստրաթն մեր, որ լիտի կանայք ոմանք եկեղեցին կամ այլ տեղ և կամ պաղնիր էրթանլո ժամանակներն, իւրեանք կամ ախշկ զավակներն ոսկի զարդարանքներօվ կերթան, որ վասն այս շատ անքամ թէնպէ՛հ էղիլ է մաքիստրաթէս ու շատ մատոյցմէ այլ ի շտրաֆ տովիլ է այս ևս կամէ հասարակութեան մերում, որ աժմ ժամանակուոր վերջացի աղաղս դառնաշունչ ժամանակիս և բնալին շհամարձակի ով որ և իցէ կինարմատ թէ ինքն և թէ ախշկան ոսկօվ կամ այլ ինչ ոսկէղէն զարդարանքօվ կամ իւրեան տունին մէջն զարդարվի և կամ մէկտեղ մի երթալ վասն այս յատուկ մարդ զային էղիլ է մագիստրաթէս պիտի քաշին առնուն չափտ անին ու միտ չունենա մէմալ թէ ևտ կու տան տէյի զէրէ այնպես անսկամ կինն որ մօտիկ չի անիլնե այսպէս ասոր արժանի է կխմարդուն զարդարանքն իւրեանցն և կամ ախշըկնէրունն լինելու է, մի միյայն անկաճն մէկ չիֆտ օղ և մէշկն կնտի և մատն մատանի և քան զայս աւելին ի շարէնէ, վասն այն այսպէս պիտի պատժվին, ուրեմն բարեհաճեցի հոգեոր կառուարութիւնտ զրել առ ամենայն եկեղեցիս թէ ի քաղաքս և թէ ի գիւղ որ այսն մեր, որ քահանայքն ծանուցում անիլօվ ի մեշ եկեղեցույն խրատեն զժողովուրդսն և ամենայն քահանա իւրեանց խոստօվանադուստրսն ևս յատկապէս խրատին յաղաշխարանք զնելօվ որ այս ոսկի զարդարանքն, ժամանակաւ որ վերջանա մեր հայոց աղգի մէշկն զէրէ ուրիշ աղգի մէշ շատ կուտան պարտավինք և մեծ պակասութիւն է որ այսպէս մագիստրաթիս և իշխանայ հրամանին ընդդէմ կէնան ևս բէմէշէ և տայրէ չի շարվելուն համար կրկին ծանուցում արվի եկեղեցիսն և տէր ողորմեա ասվի լինի թէ ամէն ողորմածն աստուած ողորմի բոտ մեծի ողորմութեան իւրամ, որ սակաւակեաց կեանս մեր խաղաղութեամբ անցուցանեմք ընդ հօվանալորութեան ամէն ողորմած կայսերութեանն ուստաց մնալօվ պարկեշտութեամբ:

Դատաւոր Մելֆօն Օվայկեմօվ
Գրագիր Պելիվանօվ»⁵:

Դրոնի հայ բնակիչների հայրենասիրությունը չսահմանափակվեց այսրանով: Նրանք ակտիվորեն մասնակցեցին նաև ռազմական կարիքների համաք

⁴ Հայկ. ՍՍԹ ՊԿԱ, ք. 139, գ. 14, թ. 61:

⁵ Նույն տեղում:

կատարվող կամավոր նվիրատվություններին՝ Պաշտոնական տվյալների համաձայն Նախիջևանի հայկական համայնքը 1812 թ. նվիրաբերել է 25000 ուրլի⁶։ Մի խումբ հայեր 1818 թ. մայիսին Ալեքսանդր 1-ին դրել են, որ 1807 թ. Նախիջևանի հայկական համայնքը ռազմաճակատ ուղարկված միլիցիայի համար նվիրաբերել է դրամ, հաց և զենք, իսկ «1812 թվականին մեր հայրենիքի թշնամու արշավանքը ետ մղելու համար պետության ընդհանուր աշխարհազորի կազմակերպման ժամանակ՝ կանխիկ դրամ»⁷։

Նվիրատվությունների վերաբերյալ կոչին առանձնապես ջերմորեն արձագանքեց Աստրախանի հալ ընակչությունը։ Այդ մասին կան հետաքրքիր տրվյալներ։ Աստրախանի քաղաքացիական նահանգապետ Անդրեևսկին ոստիկանության մինիստրին ուղղված 1812 թ. հուլիսի 28-ի իր զեկուցագրում ի միջիայուց գրում էր. «Ազնվականությունը, աստիճանավորները, վաճառականությունը, հալկական դասը (ընդգծումը մերն է—Մ. Ն.), թաթարները և մյուս աշակերտները... դրամական նվիրատվություններ անելու ջերմ ցանկությամբ են համակվել»⁸։ Նույն նահանգապետը այդ օրերին զեկուցում էր Պետերբուրգ, գեներալ Վլադիմիրնովին, որ հայերը օրինակելի հայրենասիրություն են ցուցաբերում, որ «հայկական դասը ներկայումս ապաստվածից ավելի աչքի ընկավ և 73 հազար ուրլու հասնող նվիրատվությամբ միանգամայն ապացուցեց իր օրինակելի նվիրվածությունը»⁹։

Արխիվային փաստաթղթերից երևում է, որ նյութական միջոցների հավաքումը շարունակվել է նաև հուլիսից հետո և որ 1812 թ. ընթացքում Աստրախանի հայերը նվիրաբերել են 100,000 ուրլուց ավելի։ Աստրախանի նահանգապետի 1836 թ. նոյեմբերի 28-ի գրության մեջ, ուղղված ռազմական պատմության, գեներալ Միխայլովսկի-Գանդեկսկուն, տալիս է, որ Հայրենական պատերազմի պետքերի համար Աստրախանի հայերի նվիրաբերած դրամարը կազմել է 100,340 ուրլի¹⁰։

Աստրախանի մարզային արխիվում պահվում է մի գործ, որ ունի հետևյալ վերնագիրը. «1812 թ. ռազմական կարիքների օգտին հայ համայնքի կատարած նվիրաբերությունների մասին»։ Այստեղ պահպանված նյութերը ցույց են տալիս, որ Աստրախանի քաղաքացիական նահանգապետի կոչը՝ նվիրաբերության մասին լայն արձագանք է գտել տեղի հայերի մեջ։ Համապատասխան ցուցակներից երևում է, որ նվիրատվություն կատարած հայերի թիվը հասնում է մի քանի հարյուրի։ Ահա դրանցից մի քանիսի ազգանունները. Օսիպ Ասկարխանով, Իվան Վարդանով, Գրիգորի Պասոն, Ավագ Վարդապարով, Պետրոս Նիկիտին, Եզեկիլ Ստեփանով, Քրիստափոր Հայկով, Առաքել Քալանթարով, Բարիսուղար Բարիսուղարով, Նազար Թաթևով, Հայրապետ Մարգարով, Դավիթ Բեկտարեկով, Զարո Թումանով, Զարար Բուդաղով, Սահակ Թորոսով, Մնացական Հարությունով, Բաղդասար Մուգիկանտով, Գրիգորի Աբղումանով, Կապուստ Փափան, Բարսեղ Թաթևադով, Օսիպ Թումանով, Գրիգորի Երևանով,

⁶ Центральный Государственный военно-исторический архив в Москве (ЦГВИА), ф. ВУА, д. 3465, ч. 12, л. 132.

⁷ Հայկ. ՍՍՌ ՊԿԱ, ք. 54, դ. 638, թ. 38.

⁸ ЦГВИА, ф. ВУА, д. 3465, ч. 12, л. 32-33.

⁹ ЦГВИА, ф. 1286, оп. 2, л. 252, л. 461.

¹⁰ ЦГВИА, ф. ВУА, д. 3465, ч. 12, л. 331.

Ավետ Ղազարով, Իգնատ Մատուրով, Հովհաննես Ավետով և այլն¹¹։ Գրամական նվիրատվություններ արած ասարախանցիների, ալդ թվում և հայերի, մի մասի ազգանունները տպվել են այդ տարիներին Աստրախանում հրատարակվող «Восточные известия» թերթում¹²։ Տպագրված ցուցակներում կան ոչ միայն հայ աստիճանավորներ ու վաճառականներ, որոնք նվիրաբերել են 6000, 5000, 3000-ական ռուբլի, այլև «հատարակ» հայեր, ղխավորապես արհեստավորներ, որոնք նվիրաբերել են ըստ իրենց հնարավորությունների՝ 30, 25, 15, 10-ական ռուբլի¹³։

Նախիջևանի ու Աստրախանի հայերի նման կամավոր նվիրատվություններին մասնակցել է նաև Ղզլարի, Մոզդուկի, Գրիգորիոպոլի, Ղրիմի, Մոսկվայի, Թիֆլիսի, Բաքվի և մի շարք այլ քաղաքների հայ բնակչությունը։

Հայ բնակչության ու հոգևորականության մեջ նոր նվիրատվություն կազմակերպելու համար ցարական կառավարության ներկայացուցիչները դիմեցին հայ եկեղեցու ղեկավարներին։ Իշխան Ալեքսանդր Գուլիցինը 1812 թ. նոյեմբերի 6-ին Պետերբուրգից էջմիածին, եփրեմ կաթողիկոսին գրում էր. «Այստեղ՝ մայրաքաղաքում կազմակերպված է կոմիտե, որ նվիրատվություն է հավաքում հոգուտ տարբեր նահանգների ղեկավար բնակիչների, որոնք լիովին սնանկացել են թշնամու արշավանքի հետևանքով, որը հրով ու սրով ամայացրել է այն վայրերը, որտեղով անցել է»։

Համոզված լինելով, որ հոգևոր հովիվները գործունե մասնակցություն ցույց կտան սույն մերձավորների տխուր ճակատագրի թեթևացմանը, ես խոնարհարար խնդրում եմ Ձերդ սրբազանությանը առաջարկել Ձեզ վստահված հոգևորականությանը, նրա հոգևոր հոսին, հնաբավոր նվիրատվություններ կատարել ղեկավարների օգտին, գրի առնելով բարեգործների անունները և նվիրատվության քանակը։

Սույն նվերը հոգևորականությունից ստանալուն պես, բարեհաճեցեք, Ձերդ սրբազանություն, ուղարկել ինձ մատյանների հետ միասին, որոնք պարունակում են բարեգործների անուններն ու նվիրատվության քանակը, վերոհիշյալ կոմիտեին ներկայացնելու համար»¹⁴։

Եփրեմ կաթողիկոսը, որը ռուսական օրինադատարանների, կատարեց Դոլիցինի խնդրանքը։ Հատուկ կոնդակներով նա հայ եկեղեցու բոլոր թեմերի առաջնորդներին հանձնարարեց հայերի շրջանում կազմակերպել կամավոր նվիրատվություններ Բոնապարտի բանակի արշավանքի հետևանքով տուժած բնակչության օգտին։ Թեմերի առաջնորդները, իրենց հերթին, դիմեցին հայ եկեղեցու բոլոր սպասավորներին։ Այսպես, օրինակ, Թուսաստանի հայերի թեմի առաջնորդ Հովհաննես արքեպիսկոպոսը 1812 թ. դեկտեմբերի 26-ին հատուկ շրջաբերականով դիմեց Ղրիմի հայ հոգևորականությանը, կոչ անելով ակտիվորեն մասնակցել վերոհիշյալ նվիրատվություններին։ Ձեզ հայտնի է, գրում էր նա, թե «ինչպես և ինչքան սքանչելի քաղաքներ, հրաշալի կառուցված եկեղեցիներ, գեղեցիկ տներ, առևտրական խանութներ և այլ տեսակի շինություններ, կարողություն ու հարստություն այրվեց ու ոչնչացվեց,

¹¹ Госархив Астраханской области РСФСР, ф. 810, оп. 2, л. 154, л. 2—28.

¹² «Восточные известия», Астрахань, 1813, №№ 7—15.

¹³ Նույն տեղում։

¹⁴ Մատենադարան, Գաթողիկոսական գիվան, թղթ. 23, վավ. 122։

ինչպես շատ խիղախ գինիորենք ընկան իշնամու ձեռքից... Հորդորում եմ բոլոր հոգևորականներին, աշխատել այդ գործի (իմա՝ նվիրատվությունների—Մ. Ն.) հաջողության օգտին... լսեք իմ փոխանորդներին և առատ նվերներ տվեք»¹⁵։

Հովհաննես արքեպիսկոպոսի ցուցումի համաձայն եռանդով գործում էր, մասնավորապես, Մանվել վարդապետը՝ Կրիմի և Գրիգորիոպոլի հայ եկեղեցու առաջնորդը։ 1813 թ. մարտի 20-ին Գրիգորիոպոլի հոգևորականությունը նա մի հրաման ուղարկեց, որով առաջարկում էր նվիրատվություններ հավաքել, քանի որ, գրում էր նա, «ամեն ժողովուրդ պետք է ցույց տա իր նվիրվածությունը պետությունն ու հայրենիքին»¹⁶։ Վերոհիշյալ հրամաններն ու հանձնարարությունները հաջողությամբ իրագործվեցին։ Նվիրատվությունների կամպանիան անցկացվեց ինչպես Հայաստանում, այնպես էլ րազմաթիվ հայ դպրավայրերում։ Նրան մասնակցեցին հայ ժողովրդի լայն խավերը։ Հավաքված դրամն ուղարկվեց Պետերբուրգ։

Պետք է նշել նաև, որ 1812 թ. Ռուսաստանի և Անդրկովկասի հայկական եկեղեցիներում Ռուսաստանի հաղթության համար հանդիսավոր մաղթանք էր կատարվում։ Բնորոշ է, օրինակ, որ դեռևս 1812 թ. հուլիսին Մանվել վարդապետը առաջարկեց Գրիգորիոպոլի հոգևոր վարչությանը ամեն օր, օրը՝ 2 անգամ քաղաքի երկու եկեղեցիներում աղոթել թշնամու դեմ հաղթանակ տանելու համար։ «Ներկա ժամանակներում,—գրում էր նա,—մեր բոլորիս պարտքն է ջերմ սրտով աղոթել սորին կայսերական մեծության հաջողությունների և հզորության համար։ Ուստի հրամայում եմ Ձեր երկու եկեղեցիներում առավոտյան և երեկոյան ջանասիրտաբար աղոթել ամենազոր աստծուն, որ պեսդի մեր քրիստոսասեր կայսրը հաղթի իր թշնամուն»¹⁷։

Խախիջևանի հայկական մադիստրատը նույնպես առաջարկեց քաղաքի հոգևոր վարչությանը՝ հայկական եկեղեցիներում կատարել հանդիսավոր աղոթքներ ուսական բանակի հաղթության համար¹⁸։ Բնորոշ է, որ եփրեմ կաթողիկոսն ինքի մի քանի անգամ շնորհավորական նամակներ է ուղարկել Ալեքսանդր 1-ին՝ ուսաճան գործերի հաջողությունների ու հաղթանակների առթիվ։

Բրե՛նց ցուցաբերած ջանքերի համար հայ հոգևորականության շատ ներկայացուցիչներ շքանշաններ ու մեդալներ ստացան։ Այսպես, օրինակ, Եփրեմ կաթողիկոսը պարգևատրվեց Ալեքսանդր Նևսկու 1-ին աստիճանի շքանշանով, Ռուսաստանի հայկական թեմի առաջնորդ Հովհաննես արքեպիսկոպոսը՝ Աննայի 1-ին աստիճանի շքանշանով։ Պարգևատրվեցին նաև Եկատարիայի հայկական թեմի առաջնորդ Գրիգոր արքեպիսկոպոսը, Ներսես Աշտարակեցի արքեպիսկոպոսը և շատ ուրիշներ։ Հետաքրքիր է, որ պարգևատրվածների մեջ կային ոչ քիչ թվով գյուղական քահանաներ։ Այսպես, օրինակ, «1812 թվականի համար» խաչով պարգևատրվեցին քահանաներ Հակոբ Տեր-Աբրահամյանը, Ավետիս Հարությունյանը, Սարգիս Մկրտումյանը, Մով-

¹⁵ Ստանդարտ, Կաթողիկոսական գիվան, թղթ. 23, վավ. 122։

¹⁶ Նույն տեղում, թղթ. 24, վավ. 39։

¹⁷ Հայկ. ՍՍԽ ՊԿԱ, ֆ. 57, դ. 14, թ. 4։

¹⁸ Նույն տեղում, ֆ. 51, դ. 638, թ. 38։

սես Տեր-Հարությունյանը (նշվում է, որ նա ծագում է ճորտ դյուղացիներից), Գրիգոր Տեր-Արրահամյանցը և շատ ուրիշներ¹⁹։

Հայ հողերը անձանց պարզեցատրումը «1812 թվականի համար» մականդրությունը կրող խաչով տեղի ունեցավ 1814 և հետագա թվականներին։ Այդ պարզեցատրման առիթով Ալեքսանդր 1-ը 1811 թ. օգոստոսի 30-ին ելք բերեմ կաթողիկոսին, ի միջի այլոց, գրում էր. «Ձեր սրբազույն հողերականությունը, որը ասածս սեղանի առաջ իր ջերմ աղոթքներով ասածս օրհնությունն էր հրավիրում ռուսական զենքի և զինվորության վրա և բարեպաշտության օրինակներով հորդորում ժողովրդին միասնության և սովորության ի նշան ականածանքի՝ հավատի նկատմամբ և ի նշան սիրո՝ հայրենիքի նկատմամբ, հովվապետից սկսած մինչև քահանաները ներառյալ թող կրեն իրենց կրծքերի վրա հատուկ սահմանված «1812 թվականի համար» մականդրությամբ խաչը»²⁰։

II

Ռուսական բանակի շարքերում 1812 թ. ծառայող հայ մարտիկների մի մասը անմիջական մասնակցություն ունեցավ Հայրենական պատերազմի ճակատամարտերին։ Նապոլեոն Բոնապարտի բանակի դեմ այդ թվականին կրո՜վոդ հայ զինվորականներից նախ և առաջ պետք է հիշատակել Վ. Գ. Մադաթովին, Դ. Ա. Դելյանովին և Պ. Մ. Մելիքովին։

Վալերիան (Ռոստոմ) Գրիգորի Մադաթովը (1782—1829) Հայրենական պատերազմի սկզբում ուներ փոխդնդապետի աստիճան և արդեն ճանաչված էր, որպես «անվեհեր քաջ և հմուտ հրամանատար»²¹։ Ծառայում էր Արևմտյան III բանակում (գեներալ Լամբերտի զորամասի առաջապահ ջոկատի հրամանատարն էր)։ Բարձր հրամանատարության կարգադրությամբ Մադաթովի ջոկատը 1812 թ. հուլիսին անցավ թշնամու թիկունքը և բանակի մյուս զորամասերի հետ միասին Կորրին քաղաքի մոտ շրջապատելով հակառակորդի զորքերը, ծանր հարվածներ հասցրեց նրանց ու շատ դերիներ վերցրեց։ Այս առաջին խոշոր հաղթանակն էր թշնամու նկատմամբ²²։ Նշված մարտերում սկստիվ մասնակցություն ունենալու համար Մադաթովը պարգևատրվեց Աննայի 2-րդ աստիճանի շքանշանով²³։

Կորրինի մոտ տարած հաղթանակից շատ չանցած Մադաթովը նորից է աչքի ընկնում։ 1812 թ. հուլիսի 31-ին Գորոդեչնոյի շրջանում տեղի են ունենում կռիվներ, որտեղ 18000 ռուս զինվորներ մարտնչում էին թշնամու 40 000-անոց զորաբանակի դեմ²⁴։ «Թշնամին,— գրում են Մադաթովի կենսագիրները,— հարձակվեց մեր ձախ թևի վրա, որը գտնվում էր գեներալ-ադյուտանտ կոմս Լամբերտի հրամանատարության ներքո. իշխան Մադաթովը, Ալեքսանդրյան հուսարական զնդի շորս հեծելավաշտով կայունորեն դիմանում էր թշնամու գերազանց ուժերին։ Երբ ամբարիական թեթև հեծելազորային երկու դունդ ջանում էին շրջանցել մեր ձախ թևը, իշխան Մադաթովը գրոհեց

19 Հայկ. ՍՍԽ ՊԿԱ, ֆ. 54, դ. 638, Խ. 38։

20 Մատենադարան, Կաթողիկոսական դիվան, Բ. Բ. 22, վավ. 98ա։

21 «Русский инвалид или военные ведомости», СПб, 1837, № 144, էջ 578—579։

22 М. Богданович, История Отечественной войны 1812 года по достоверным источникам, т. I, СПб, 1859, էջ 323։

23 «Военная галерея 1812 года (1812—1912)», альбом, СПб, 1912, էջ 145։

24 «Кавказцы», СПб, 1859, вып. 54—60, էջ 5։

թևից ու թիկունքից և հետ շարտեց նրանց: Թշնամու մի մասը կտտորվեց, մյուս մասը գերի վերցվեց, որի համար իշխան Մաղաթովը ստացավ «զնդապետի աստիճան»²⁵:

Մաղաթովը ակտիվ մասնակցություն է ունեցել Հայրենական պատերազմի նաև շատ այլ ճակատամարտերում: Նա պատվով կատարում էր հրամանատարության բոլոր հանձնարարությունները: Այսպես, օրինակ, 1812 թ. սեպտեմբերին-հոկտեմբերին Մաղաթովը Բրեստ-Լիտովսկի շրջանում մի շարք հարվածներ հասցրեց հակառակորդին և ազատեց Տիրասպոլը²⁶: Դրանից հետո, Մաղաթովի ջոկատը գլխավոր հրամանատարության հրամանով ուղարկվեց հակառակորդի թիկունք՝ Լեհաստան, որտեղ նա ոչնչացրեց ռազմական պահեստներ և կատարեց թշնամու ուժերը ջլատող մի շարք այլ գործողություններ: Հաջողությամբ վերջացնելով այս պատասխանատու առաջադրանքը, Մաղաթովը վերադարձավ ղեկներսւլ Լամբերտի գորամասը: Նոյեմբերին նա մասնակցեց թշնամու զորքերի ջախջախմանն ու հետապնդմանը, որի համար և պարգևատրվեց ալմաստներով զարդարված թրով՝ «Արիության համար» մականգրությամբ:

Նրբ հետապնդելով նապոլեոնի բանակի մնացորդներին, ռուսական զորքերն անցան սահմանը, զնդապետ Մաղաթովը նորից գտնվում էր առաջապահ գորամասերում: 1813 թ. նա հաճախ է մարտնչել թշնամու դեմ: 1813 թ. փետրվարի 1-ին, Կալիշ քաղաքի մոտ ջախջախվեց հակառակորդի զորքերի մի մեծ ջոկատ: Այստեղ Մաղաթովը նորից ցույց տվեց արիության փայլուն օրինակներ:

Մաղաթովը մեծ հաջողությամբ վարում էր նաև պարտիզանական պատերազմ: Իր ջոկատով անցնելով հակառակորդի թիկունքը, նա 1813 թ. ծանր հարվածներ հասցրեց թշնամուն, գլխովին ջարդելով նրա թիկունքային գորաբաժանումները և ոչնչացնելով ռազմամթերքի պահեստները: Պարտիզանական այս հաջող գործողությունների համար Մաղաթովը պարգևատրվեց ռուսական թագավոր Ֆրիդրիխի կողմից:

1813 թ. հոկտեմբերի սկզբին, ինչպես հայտնի է, մեծ և վճռական ճակատամարտ տեղի ունեցավ Լաչայցիդի մոտ: Մաղաթովն այստեղ ևս ցուցաբերեց արիություն և ռազմական բարձր արվեստ: Մարտերի ժամանակ նա վիրավորվեց, բայց չլքեց մարտադաշտը և մինչև ճակատամարտի վերջը գլխավորեց իր ջոկատը: Այս բոլորի համար զնդապետ Մաղաթովը ստացավ գեներալ-մայորի աստիճան: Մաղաթովը իր ժամանակի ռուսական բանակի լավագույն գեներալներից մեկն էր: Միանգամայն արգարացիորեն նրան համարել են սովորության դարձրած գեներալ²⁷:

1812 թ. Հայրենական պատերազմում ակտիվ մասնակցություն ունեցած նշանավոր հայ զինվորականներից է Դավիթ Արտեմի Դելյանովը: Դավիթ Դելյանովը ծնվել է Մոսկվայում, ավարտել է կադետական կորսուսը²⁸: 1773 թ.

25 «Жизнь генерал-лейтенанта Мадатова», էջ 11:

26 «Военная галерея 1812 года», էջ 146:

27 Գեներալ Մաղաթովի մասին «Ռազմական հանրագիտարանում» ասված է. «Նա գեներալ էր այն սովորության դարձրած, որը ռուսական բանակին տվել է Բաղրատիոն, Միլորադովիչ, Նրմուլով, Դենիս Դավիդով, Կոտլյարևսկի («Военная энциклопедия», т. XVI, СПб, 1914, էջ 102):

28 «Братская помощь пострадавшим в Турции армянам», Москва, 1898, էջ 331:

նա մտնում է զինվորական ծառայության: Մասնակցել է ռուսական բանակի մի շարք արշավներին և, հատկապես, ռուս-թուրքական պատերազմներին: 1806—1807 թթ. նա կռվել է Նապոլեոնի բանակի դեմ: 1807 թ. Գելյանովը ուտանում է գնդապետի աստիճան: 1812 թ. Հայրենական պատերազմին նրա ունեցած մասնակցության մասին պաշտոնական թղթերում ասված է. «1812 թվականին, սկսած Գրոզնոյից և մինչև Մոժայսկ, մասնակցել է արիերգարդային բոլոր գործողություններին... Հուլիսի 15-ին և 16-ին Վիտերսկի մոտ. 17-ին՝ Պորեչնից ոչ հեռու. օգոստոսի 6-ին՝ Սմոլենսկի մոտ. 7-ին՝ Լավրովի մոտերքը... օգոստոսի 10-ին՝ Միխայլովկայի մոտ. 17-ին՝ Վյազմայի մոտերքը. 23-ին՝ Կոլոցկու վանքի մոտ. 24-ին՝ Բորոգինոյի մոտերքում. 26-ին՝ հենց Բորոգինյան ճակատամարտում. 28-ին՝ Մոժայսկի մոտ, որտեղ և վիրավորվել է»²⁹:

Հետաքրքրական է հիշատակել, որ Գելյանովի կողմից Բորոգինյան ճակատամարտում ցուցաբերած արիությունը նշել է գերագույն հրամանատարությունը և հենց ինքը՝ հռչակավոր զորավար Միխայիլ Բարիտովիչ Կուտուզովը: Թագմական միսիստրության արխիվային ֆոնդերում պահպանված են Բորոգինյան ճակատամարտի ժամանակ աչքի ընկած սպաների ցուցակները՝ Կուտուզովի ստորագրությամբ: Այդ ցուցակներից մեկի մեջ, որի վերնագիրն է «Օգոստոսի 24-ի և 26-ի ճակատամարտում ֆրանսիացիների դեմ անվեհերությամբ ու արիությամբ աչքի ընկած շտաբ և օրեր սպաների ցուցակ», նշվում է, որ Սումսկի գնդի գնդապետ Գելյանովը «օգոստոսի 26-ին, վարելով գնդի հրամանատարությունը, աչքի է ընկել իր արիությամբ, օրինակ է տվել ստորադրյալներին՝ թշնամուն պարսության մատնելու համար»: Բորոգինյան ճակատամարտի մասնակից Գելյանովին Կուտուզովը պարգևատրեց Աննայի 2-րդ աստիճանի շքանշանով³⁰: Գելյանովը պարգևատրվել է նաև շատ այլ շքանշաններով ու մեդալներով: 1813 թ. նա ստացավ գեներալ-մայորի աստիճան, 1813—1814 թվականներին մասնակցել է Պրուսիայում և Ֆրանսիայում տեղի ունեցած բազմաթիվ կռիվներին:

Մի շարք մարտերում և հատկապես Բորոգինյան նշանավոր ճակատամարտում մասնակցել է աստրախանցի հայ Պավել Մոխսեյի Մելիքովը: Նա չնվել է 1780 թ., զինվորական ծառայությունը սկսել է 1796 թ. Լեյբ-գվարդիայի հեծյալ գնդում՝ ենթասպայի աստիճանով: 1812 թ. Մելիքովը ծառայում էր ռոտմիստրի պաշտոնով Լեյբ-գվարդիայի Կիրասիրյան գնդում: Նրա ծառայության ցուցակում նշված է, որ 1812 թ. հուլիսի 28-ից մինչև օգոստոսի 25-ը եղել է Վիտերսկի, Սմոլենսկի և Վյազմայի մոտ մղվող մարտերում: «25-ին և 26-ին եղել է Բորոգինո գյուղի մոտ տեղի ունեցած ահեղ ճակատամարտում, որտեղ թշնամու մարտկոցի վրա գրոհելու ժամանակ հրետագունդը կտրել է նրա աջ թևը, որի համար ամենաողորմաժարար պարգևատրվել է Վլադիմիրի 4-րդ աստիճանի ժապավենավոր շքանշանով»: Բուժվելուց հետո Մելիքովը նորից ծառայում է ռուսական բանակում: 1814—1815 թթ. պատերազմական գործողություններին մասնակցելու համար նա պարգևատրվում է նոր շքանշաններով ու մեդալներով: 1829 թ. Մելիքովը ստանում է գեներալ-մայորի աստիճան³¹:

²⁹ «Военная галерея 1812 года», էջ 69.

³⁰ ЦГВИА, ф. 29, оп. 153 г., св. 70, ч. 2, дд. 6—12, л. 115 об.

³¹ ЦГВИА, ф. 489, оп. 1, д. 7060, л. 289—291.

Պ. Մ. Մելիքովի անունը նշված է Գուտուզովի ցուցակներում, այն մարդկանց թվում, որոնք աչքի են ընկել Բորոդինյան ճակատամարտում: Ցուցակներից մեկում Լեյբ-գվարդիայի Գիրասիրյան գնդի ոտամիստը Մելիքովի մասին ասված է, որ «գնդի բոլոր զործողություններում առանձնապես աչքի է ընկել, բայց որում հրետանուցի կտրվել է նրա աջ թևը»: Բորոդինյան ճակատամարտի կապակցությամբ Կուտուզովը Մելիքովին պարգևատրել է Վլադիմիրի 1-րդ աստիճանի շքանշանով³²:

Հայրենական պատերազմի տևելիս մասնակիցներից են նաև Աբամելիքները, Հազարենները, Բեյբութովը, Ախշարումովը, Շահնավադյանը, Վարժապետյանը, Մելիք-Օսիպովը, Շամշինը, Գեղեղնովը, Մելիքովը, Գելյանով և զայրները, Հալանը և ուրիշներ:

Յրանսիական ազդեցությունների դեմ մղված կռիվներում Աբամելիքներից աչքի ընկան Դավիթ Սեմյոնի Աբամելիքը և նրա երկու որդիները՝ բոլորն էլ Բորոդինյան ճակատամարտի մասնակիցներ: Դ. Ս. Աբամելիքը 1798 թ. ծառայության է ընդունվում Լեյբ-գվարդիայի հուսարական գեներալ-որսկա կորուսետ: 1807 թ. նրան տրվում է ոտամիստի, իսկ 1812 թ.՝ գնդապետի աստիճան: Հայրենական պատերազմի ընթացքում նա հիշյալ գնդի հեծելազորի հրամանատարն էր: Արիության և անվահերության համար նա պարգևատրվել է Աննայի 2-րդ աստիճանի շքանշանով³³:

Դ. Ս. Աբամելիքի ավագ որդին Հայրենական պատերազմին մասնակցել է ունենալով շտաբ-ոտամիստի, իսկ կրտսեր որդին՝ կորնետի աստիճան: Առաջինը պարգևատրվել է ոսկյա թրով՝ «Արիության համար» մականգնությամբ, երկրորդը՝ Աննայի 3-րդ աստիճանի շքանշանով³⁴:

Մ. Ի. Գուտուզովի կողմից ստորագրած ցուցակներից մեկում նշված են Դավիթ Աբամելիքի երկու որդիների սխրագործությունները 1812 թ. սեպտեմբերի 22-ի ճակատամարտում՝ Տարուտինոյի մոտ: Այստեղ ասված է, որ Լեյբ-գվարդիայի հուսարական գնդի պորուչիկ Աբամելիքը «աչքի է ընկել արիությամբ և եռանդուն ծառայությամբ, գեներալ Ուվարովի հրամանները ամենալուրջաբար տեղերն՝ հասցրել ամենայն ճշտապահությամբ»: Այնուհետև նույն գնդի կորնետ Աբամելիքի մասին գրված է. «Գտնվում էր առաջին շարքերում, քաջալերելով ցածրաստիճան զինվորականներին, աչքի ընկավ արիությամբ»:

Գորնետ Աբամելիքի մասին արխիվային նյութերում կան ավելի մանրամասն տվյալներ: Մի պաշտոնական տեղեկանքում հաղորդվում է, որ Ալեքսանդր Աբամելիքը մասնակցել է բազմաթիվ մարտերի: Այսպես՝ 1812 թ. հունիսի 22-ին՝ Վիլկովի մոտ, հուլիսի 13-ին՝ Օստրովնայի մոտ, 14-ին՝ Գուկովիչի, 27-ին՝ Էնկովի մոտերքը, օգոստոսի 24-ին և 26-ին՝ Բորոդինյան ճակատամարտում, սեպտեմբերի 20-ին՝ Վորոնովոյի մոտ, 22-ին և հոկտեմբերի 6-ին՝ Տարուտինոյի, 11-ին և 12-ին՝ Մալոյարոսլավեցի մոտ, 22-ին՝ Վյազմայի, 26-ին՝ Դորոգորուժի, նոյեմբերի 3, 4, 5 և 6-ին՝ Կրասնի մոտերքը: 1813 թ. եղել է Սարսոնական թագավորությունում, ապրիլի 20-ին՝ Լյուցենի,

³² ЦГВИА, ф. 29, оп. 153 г., св. 10, ч. 2, лл. 6—12, л. 19⁷ об.

³³ Центральный Гос. Архив древних актов (Москва), ф. 1252, л. 68, лл. 4—5.

³⁴ Նույն տեղում, թթ. 7—8.

³⁵ ЦГВИА, ф. 29, оп. 153 г., св. 10, ч. 1—5, л. 4, лл. 152—153.

մայիսի 8-ին և 9-ին՝ Բաուցենի, Օգոստոսի 15-ին՝ Տունի, 16-ին, 17-ին և 18-ին՝ Կուլմի, հոկտեմբերի 4 և 6-ին՝ Լայպցիգի մոտ: 1814 թ. Ֆրանսիայում...»³⁶:

1812 թ. Հայրենական պատերազմին մասնակցեցին նաև Լազարևները: Այս հայ ազնվականներից հատկապես աչքի ընկան Հովհաննես (Իվան) և Արտեմ Լազարև եղբայրները: Իվան Լազարևը ընդունվեց Մոսկվայի աշխարհագրորդ և մասնակցեց մի քանի ռազմական գործողությունների, որի համար պարգևատրվեց երկու շքանշաններով: Արտեմ Լազարևը (1791—1813) 1812 թ. ուներ շտաբ-ռոտմիստրի աստիճան. ակտիվ մասնակցություն է ունեցել բազմաթիվ կռիվներին³⁷, Լազարևների ատոմի պատմության մեջ նրա մասին ասված է. «Լեյբ-գվարդիայի հուսարական զնդի շտաբ-ռոտմիստր Արտեմ Եկիմի Լազարևը քաջակորով, արի ուղիղ էր, աչքի ընկնելու համար պարգևատրված է՝ Աննայի 2-րդ աստիճանի, Վլադիմիրի 4-րդ աստիճանի ժապավենաձուր շքանշաններով, արիության համար թուրով, Կուլմի ճակատամարտի համար՝ նշանով և արծաթյա մեդալով՝ 1812 թվականի համար: Այս քաջարի Լազարևը եղել է մեծ ու փոքր բազմաթիվ մարտերում, թվով մինչև 40, միշտ անվնաս է մնացել և նույնիսկ չի վիրավորվել, բայց, ղեկավարաբար, 1813 թ. հոկտեմբերի 4-ին Լայպցիգի արյունահեղ ճակատամարտում սպանվեց հրետազնդով, որը նրա մարմինը երկու կես է արել»³⁸:

Մոտավորապես նույնն է ասում Ա. Զինովևը իր «Պատմական ակնարկ Լազարյան ճեմարանի» գրքում: Զինովևը գրում է. «Նա մասնակցել է 42 մարտերի, լինելով ընդամենը 22 տարեկան, նա իր արիությանը և առհասարակ անձնական արժանապատվությանը, հասած գվարդիայի շտաբ-ռոտմիստրի աստիճանի, նրան շնորհել են Աննայի 2-րդ աստիճանի, Վլադիմիրի 4-րդ աստիճանի ժապավենաձուր շքանշաններ, արիության համար թուր, Կուլմի խաչ և այլ արժանիքների համար՝ պրուսական շքանշան: 1813 թ. հոկտեմբերի 4-ին հրետազնդով խփված, նա ընկավ Լայպցիգի արյունահեղ ճակատամարտում»³⁹:

Արտեմ Լազարևի ցուցարբերած արիությանն ու անվնասությունը 1812 թ. սեպտեմբերի 22-ի ճակատամարտում նշված է Մ. Ի. Կուսուկովի կողմից. «Անցյալ 1812 թվականի սեպտեմբերի 22-ի ճակատամարտում ֆրանսիացիների դեմ արիությանը ու անվնասությամբ աչքի ընկած գեներալների և շտաբ ու օրեր-սպանների ցուցակ» վերնագիրը կրող փաստաթղթում մեծահռչակ զորավարը Լազարևի մասին գրել է. «Առաջին գրոհի ժամանակ, երբ սպանվեց նրա տակի ձին, վերցրեց մի ուրիշը, ամբողջ ժամանակ գտնվում էր առջևում»⁴⁰: Ա. Լազարևը Բորոգինյան ճակատամարտի մասնակիցներից է:

Հայրենական պատերազմում Լազարևներից մասնակցել են նաև Քրիստափոր և Լազար Եկիմի Լազարևները: Նրանք երկուսն էլ ստացել են բրոնզե մեդալներ⁴¹:

³⁶ ЦГВИА, ф. 29, оп. 153 г., св. 10, ч. 1—5, лл. 1600—1614, л. 44.

³⁷ Մ. Մ ս ե բ յ ա ն ց, Հիշատակարան կենաց և գործոց Լազարյան ատոմի, Մոսկվա, 1856, էջ 23—24, 106:

³⁸ Հայկ. ՍՍԽ Ա. Մյասնիկյանի անվան Պետ. Հանրային գրադարան, Լազարյան ճեմարանի արխիվ, գ. 106, թ. 28:

³⁹ А. Зинovieв, Исторический очерк Лазаревского института, Москва, 1803, էջ 22:

⁴⁰ ЦГВИА, ф. 29, оп. 153 г., св. 10, ч. 1—5, л. 4, л. 153.

⁴¹ Հայկ. ՍՍԽ Հանրային գրադարան, Լազարյան ճեմարանի արխիվ, գ. 106, թթ. 28—29:

Վասիլ Զովսեփի Բեյրութովը մասնակցել է Մերձբալթիկայում տեղի ունեցած մարտերին: Գեներալ մարկիզ Պաուլուչիի հետ միասին, որպես նրա ադյուտանտը, Բեյրութովը 1812 թ. գնաց Կուրլանդիա, որտեղ և մասնակցեց մարշալ Մակդոնալդի հրամանատարության ներքո գտնվող թշնամու զորքերի հետապնդմանը և Մեմել քաղաքի գրավմանը⁴²:

Դմիտրի Ախշարուժովը 1812 թ. ծառայում էր Լեյբ-գվարդիայի եգերական զնդում փոխգնդապետի աստիճանով, իսկ այնուհետև դարձավ գեներալ Կոնովնիցինի ադյուտանտը⁴³: Մասնակցել է բազմաթիվ մարտերի, այդ թվում և Բորոդինյան ճակատամարտին: Ախշարուժովի քաջարիությունն իր ժամանակին նշել են հանրահռչակ զորահրամանատարներ Բադրատիոնը և Կուտուզովը: 1812 թ. օգոստոսի 5-ի ճակատամարտում Ախշարուժովի և մյուս սպաների ցուցաբերած անվահերության մասին Բադրատիոնը գրել է. «Սույն սպաների անձնական աներկյուղությունն ու ճարպկությունը գեներալ Կոնովնիցինի համար յավագույն միջոց հանդիսացան հակառակորդի ոտնձգությունները ի դերև հանելու համար»⁴⁴:

Շտաբ-կապիտան Ախշարուժովի և նրա հետ գործող սլորուշիկ Ալբերտիի սխրագործությունները Բորոդինյան ճակատամարտում Կուտուզովը հետևյալ կերպ է նշել. «Գտնվելով գեներալ-լեյտենանտին [Կոնովնիցինին] առընթեր, նրա բոլոր հանձնարարությունները կատարում էին եռանդուն արժանավորությամբ՝ գտնվելով դաժանագույն կրակի տակ, ամենավտանգավոր տեղերում. հակառակորդի վրա էին ուղղում խախտված զորարաժիները, որով նպաստում էին թշնամու պարտությանը»⁴⁵:

Բորոդինյան ճակատամարտին մասնակցելու համար Ախշարուժովը սլաք-զետրվեց Աննայի 2-րդ աստիճանի շքանշանով: Նա Հայրենական պատերազմի այլ ճակատամարտերին (Սմոլենսկի, Մալոյարոսլավեցի մոտ և այլն) մասնակցելու համար նույնպես ստացել է շքանշաններ ու մեդալներ:

1812 թ. դեպքերի ժամանակակից, վրացական արքայազն Բադրատի վկայությամբ Բորոդինյան ճակատամարտում սպանվել է գվարդիայի կապիտան Պյոտր Յակովի Շահնավաչյանը: Այդ նույն արքայազնի տվյալներով 1812 թ. Հայրենական պատերազմին մասնակցել է Վարժապետյանը (Երևանի հայերից)⁴⁶:

1812 թ. մարտերում աչքի է ընկել նաև Գերասիմ Իսայի Մելիք-Օսիպովը: Նրա ծառայության թերթիկում կարդում ենք, որ նա «Մեծ Հայաստանի իշխաններից է», զինվորական ծառայության է մտել 1803 թ., մինչև 1812 թ. փետրվար ամիսը եղել է Լեյբ-գվարդիայի կազակային զնդում, ապա Չուգուեյան ուլանական զնդում. 1811 թ. ուներ շտաբ-ոտոմիստրի աստիճան, 1812 թ. հոկտեմբերից՝ մայորի աստիճան: Ակտիվորեն մասնակցել է ֆրանսիացիների դեմ մղված բազմաթիվ ճակատամարտերի: Նրա մասին պահպան-

⁴² АКАК, т. VII, т. V:

⁴³ Алфавитный указатель частей войск, участвовавших в делах и сражениях Отечественной войны 1812 г., войн 1813—1814 гг. и участников этих войн, составлен С. А. Хашинным и В. А. Афанасьевым, СПб, 1911, т. 4 (Приложение Военного сборника за № 9, 1911).

⁴⁴ ЦГВИА, ф. 29, оп. 153 г., св. 10, ч. 1—5, л. 4, л. 195.

⁴⁵ ЦГВИА, ф. 29, оп. 153 г., св. 10, ч. 2, дд. 6—12, л. 133.

⁴⁶ Государственный исторический музей Грузии, рук. № 2105.

ված մի վկայության մեջ ասված է, օրինակ, որ 1812 թ. սեպտեմբերի 15-ի ճակատամարտում Մելիք-Օսիպովը «իրեն վստահված հեծելավաշտով հակառակորդին գրոհելու ժամանակ իր օրինակով քաջակերում էր ստորադրյալներին, մզում արիության»⁴⁷:

Գլխավորական զորարանակի հրամանատար գեներալ-ադյուտանտ Միլո-րադովիչը 1815 թ. հունվարի 29-ին գրում էր ռազմական մինիստրության կառավարիչ գեներալ Գորչակովին, որ «Չուգուեյան ուլանական զնդի մայոր իշխան Մելիք-Օսիպովը գերազանց է ծառայել 1812 թվականի պատերազմի ժամանակ»⁴⁸: Մայոր Մելիք-Օսիպովը ակտիվորեն մասնակցել է նաև 1813—1815 թթ. ռուսական բանակի արշավներին: Նա պարգևատրվել է Վլադիմիրի 4-րդ աստիճանի ժապավենալոր շքանշանով, Աննայի 3-րդ աստիճանի և այլ շքանշաններով:

Բորոդինյան ճակատամարտի մասնակիցների ցուցակներում հիշատակվում են նաև Իզմաիլովյան զնդի պոդպորուչիկ Շամշիեր և լեյր-կիրասիրյան զնդի շտաբ-ռումբմետր Գեղեոնովը: Վերջինիս և մի քանի այլ սպաների մասին այնտեղ ասված է, որ «Հակառակորդի մարտկոցների և հեծելազորի ու հետևակի շարասյուների վրա գրոհելու ժամանակ օրինակ են ծառայել ստորադրյալների համար, ընդ որում, Գեղեոնովը հրետազնդով վիրավորվել է ոտքից»⁴⁹:

1812 թ. հուլիսին Մոսկվայի համալսարանից տեղի աշխարհագրորդ ընդունվեց մոսկվացի հայ Մելիքովը: Հետագայում նա տեղափոխվեց 37-րդ եգերական դունդ, որտեղ և 1812 թ. մարտին ստացավ պրապորշչիկի աստիճան⁵⁰: Մասնակցել է հայրենական պատերազմի մի շարք ճակատամարտերին: 1820-ական թվականների սկզբում Մելիքովը ծառայում էր Գրիգորիոսով ռազարի հայկական մագիստրատում⁵¹:

1812 թ. մարտերում աչքի են ընկել Գեյյանով եղբայրները, Երկուսն էլ մայորի աստիճանով, որոնցից մեկը «լուս զարձավ աներկյուղության և սպանվեց Վիտերսկի ճակատամարտում»⁵²:

1812 թ. սպանվեց նաև պորուչիկ Լալաեր, որը ծառայում էր 44-րդ եգերական զնդում և ակտիվորեն մասնակցել է Հայրենական պատերազմի բազմաթիվ մարտերի⁵³:

Նապոլեոն Բոնապարտի դեմ ռուս ժողովրդի մղած հերոսական ազատագրական պայքարին մասնակցած հայ մարտիկներից արխիվային փաստաթղթերում հիշատակվում են նաև Արթուրով, Շելկովնիկովը, Կասպարովը, Թումանովը, Հայրապետովը, Գալուստովը և ուրիշներ: 1812 թ. Հայրենական պատերազմին մասնակցած հայ զինվորականների թիվը, անշուշտ, ավելի շատ է

⁴⁷ ЦГВИА, ф. 29, оп. 153а, св. 580, ч. 34, л. 3.

⁴⁸ ЦГВИА, ф. 29, оп. 153а, св. 580, ч. 34, л. 5—6.

⁴⁹ ЦГВИА, ф. 29, оп. 153 г., св. 10, ч. 2, лл. 6—12, л. 97.

⁵⁰ ЦГИА.Т, ф. 880, оп. 5, д. 610, л. 158.

⁵¹ М. Нерсисян, Из истории русско-армянских отношений, т. I, Ереван, 1956, էջ 132.

⁵² Сборник актов, относящихся к обозрению истории армянского народа, ч. III, Москва, էջ 397.

⁵³ «Алфавитный указатель частей войск, участвовавших в делах и сражениях Отечественной войны 1812 г.», СПб, 1911, էջ 64.

էղել, քան մեղ հայտնի է աշորս Կարելի է ենթադրել, որ 1812 թ. հերոսական շակատամարտերին մասնակցել են և այլ հայ մարտիկներ, որոնց անունները դեռևս չեն հայտնաբերված կամ առհասարակ չեն պահպանվել արխիվային նյութերում:

1812 թ. Հայրենական պատերազմին հայ մարտիկների ունեցած մասնակցությունը, ինչպես նաև հայ ժողովրդի ջանքերը՝ իր ուժերի ներածին չափ օգնել ռուս ժողովրդի 1812 թ. մղած հերոսական-ազատագրական պայքարին, պատահական երևույթներ չէին: Հայ ժողովրդի գրաված գիրքը 1812 թ. ծանր օրերին, նրա հայրենասիրությունը, երկու ժողովուրդների անքակտելի բարեկամության արտահայտություններից մեկն էր, բարեկամություն, որը սկիզբ էր առել դարերի խորրում և ավելի ամրապնդվել հետագա հարյուրամյակներում:

ОТЕЧЕСТВЕННАЯ ВОЙНА 1812 ГОДА И АРМЯНСКИЙ НАРОД

Академик АН Арм. ССР М. Г. НЕРСИСЯН

(Р е з ю м е)

Отечественная война 1812 г., 150-летие которой исполняется в текущем году, является одной из славных страниц в истории русского народа и одним из крупнейших событий всемирной истории. Эта всенародная освободительная война, в ходе которой была разгромлена «великая армия» Наполеона Бонапарта, сыграла огромную роль в исторических судьбах не только России, но и всей Европы. Героическая борьба русского народа в 1812 г. явилась решающим звеном в той большой и победоносной освободительной войне, которую вели народы Европы против французского императора, стремившегося к мировому господству.

В Отечественной войне русского народа принимали активное участие почти все народы, входившие в то время в состав Российской империи. Несмотря на национально-колониальную политику царизма, патристический дух, стремление дать решающий отпор грабителям-захватчикам охватили также украинский, белорусский, башкирский, латышский и другие народы и народности России.

Отечественная война 1812 г. нашла горячий отклик и среди армянского народа. Для участия в обороне страны был организован отряд из армян-волонтеров. В рядах русских войск против неприятеля самоотверженно боролось немало воинов-армян. Армянское население многих городов и местностей России и Закавказья с большой готовностью участвовало в кампании по сбору средств для нужд армии, ополчения и пострадавшего населения. Широкие народные массы Армении, находившиеся еще в этот период под игом персидских ханов и турецких пашей, совершенно явно и недвусмысленно выражали свои симпатии к русскому народу, к его освободительной борьбе.